

3. Pater dormit (cap. I–III)

Iūlia, filia Iūlii et Aemiliae, est parva puella laeta quae cantat et rīdet. Sed iam nōn cantat puella neque rīdet, sed plōrat: “Uhuhū!” Cūr plōrat Iūlia? Puella plōrat quia Mārcus eam pulsāt. Mārcus est puer improbus quī parvam puellam pulsāt – et rīdet!

Aemilia audit filiam quae plōrat.

Iūlia Iūlium vocat: “Pater! Pa-ater!”

Māter filiam audit, neque pater eam audit.

Aemilia Iūlium nōn videt et Syram ancillam interrogat: “Ubi est vir meus? Iūlia eum vocat. Cūr nōn venit?”

Syra: “Dominus dormit.”

Aemilia: “Ō! Fīlia plōrat – et pater dormit!”

Iūlia: “Uhuhū! Mārcus mē pulsāt!”

Mārcus rīdet: “Hahahae!”

Pater audit filiam quae plōrat et filium quī rīdet. Iam nōn dormit Iūlius.

Iūlius venit et Aemiliam interrogat: “Cūr Iūlia plōrat et Mārcus rīdet?”

Aemilia respondet: “Mārcus rīdet, quia Iūlia plōrat, et Iūlia plōrat et tē vocat, quia Mārcus eam pulsāt. Puer improbus est Mārcus!”

Iūlius Mārcum vocat. Mārcus venit et Iūlium irātum videt, neque iam rīdet puer. Pater irātus filium improbum verberat!

Iam nōn Iūlia, sed Mārcus plōrat.

Villa Iūlii est prope Tūsculum. Ab oppidō Tūsculō
ad villam Iūlii nōn longa via est. Ecce Iūlius et quattuor
servi in viā. Iūlius ab oppidō ad villam suam it. Domi- 20
nus et servi ab oppidō ad villam eunt. Dominus in lec-
ticā est. Duo servi lecticam cum dominō portant. Servi
quī lecticam portant sunt Ursus et Dāvus. Iūlius nōn in
viā ambulat, servi eum portant. Syrus et Lēander am-
bulant. Syrus saccum portat et Lēander quoque saccum 25
portat: Syrus et Lēander duōs saccōs in umeris portant.
Saccī quōs Syrus et Lēander portant magnī sunt, sed
saccus quem Syrus portat nōn tam magnus est quam
saccus Lēandri. Quattuor servi dominum et duōs saccōs
ab oppidō ad villam vehunt. 30

Iūlius in lecticā est inter Ursum et Dāvum. Ursus est
ante Iūlium, Dāvus post eum est. Syrus et Lēander nōn
ante lecticam, sed post lecticam ambulant. Venitne Iū-
lius ā villā? Nōn ā villā venit. Unde venit Iūlius? Ab
oppidō venit. Quō it Iūlius? Ad villam it. Post eum 35
Tūsculum est, ante eum est villa.